

Na osnovu člana 16. stav 1. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 15. stav (3) i 32. stav (2) Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18, 10/19, 11/19-isp, 8/22, 4/24, 10/24 i 16/25) i , na usaglašen prijedlog Ministarstva finansija i Ministarstva za pravosuđe i upravu, Vlada Zeničko-dobojskog kantona, na 130. sjednici, održanoj 22.05.2026. godine,
d o n o s i

U R E D B U
O IZMJENAMA UREDBE
O NAKNADAMA TROŠKOVA ZA SLUŽBENA PUTOVANJA

Član 1.

(Izmjena člana 3.)

U Uredbi o naknadama troškova za službena putovanja („Službene novine Zeničko-dobojskog kantona“, broj: 12/20 i 18/24), član 3. mijenja se i glasi:

„Član 3.

(Pojam službenog putovanja)

„Pod službenim putovanjem, u smislu ove uredbe, smatra se putovanje izvan teritorije Zeničko-dobojskog kantona na području Bosne i Hercegovine, kao i putovanje u inostranstvo, na koje se državni službenik ili namještenik upućuje da izvrši određeni službeni zadatak ili posao.“

Član 2.

(Izmjena člana 5.)

U članu 5. stavu (2) broj „25“ zamjenjuje se brojem „45“.

Član 3.

(Izmjena člana 6.)

U članu 6. u stavu (3) riječi „odnosno tri obroka“ zamjenjuju se riječima „najmanje dva obroka u toku dana“.

Član 4.

(Izmjena člana 12.)

U članu 12. stav (3) mijenja se i glasi:

„(3) Nalog za službeno putovanje za nosioca izvršne vlasti, rukovodioca samostalne kantonalne uprave i samostalne kantonalne upravne organizacije, rukovodioca ureda, stručne i druge službe koje obrazuje Vlada Kantona, izdaje Premijer Kantona, a nalog može izdati i državni službenik kojeg Premijer Kantona ovlasti posebnim pismenim rješenjem.“

Član 5.

(Izmjena člana 15.)

U članu 15. u stavu (2) riječi „(tri obroka)“ se brišu.

Član 6.
(Započeti postupci)

Službena putovanja koja su započeta prije stupanja na snagu ove uredbe, a nisu završena, obračunat će se prema propisima o naknadama za putne troškove koji su važili do dana stupanja na snagu ove uredbe, ukoliko je to povoljnije za državne službenike.

Član 7.
(Stupanje na snagu)

Ova uredba stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 02-02-10462/26
Datum, 22.05.2026. godine
Zenica

PREMIJER
po ovlaštenju

Dženana Čišija

DOSTAVLJENO:

- 1x Ministarstvo za pravosuđe i upravu,
- 1x Ministarstvo finansija,
- 1x Svim kantonalnim ministarstvima i drugim tijelima kantonalne uprave,
- 1x Kantonalno pravobranilaštvo Zenica, putem Ministarstva,
- 1x Svim sudovima, putem Ministarstva,
- 1x Kantonalno tužilaštvo Zeničko-dobojskog kantona, putem Ministarstva,
- 1x “Službene novine Zeničko-dobojskog kantona”,
- 1x a/a.